

Te Heheuraa Api

E ITE I'A OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU ME IA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 faran. i te matahiti.

Nº 11

-- NOVEMA 1951 --

MAT. 38.

Nohea Mai Te Maohi?

E Mea faufaa anei i to te Ekalesia to Kon-Tiki
Tereraa mai ?

E to'u mau hoa e, ia ora na outou na roto i te here
mau o to tatou Atua ra.

I te taima i mau ai tana paepae, o Kon-Tiki, i nia i te
fenua ra, o Raroia, ua tupu to tatou maere e ua hitimaue hoi
tatou no te itoitoe e no te ohipa faahiahia tei ravelia e na ta-
ata tooono i nia iho i tana paepae ra. No reira, e feruri-
maitai tatou i te hoê uiraa i te na ô raa e, e mea faufaa anei
i to te Ekalesia to Kon-Tiki tereraa mai ?

Te vai ra te hoê taata ite-hohonu, o Thor Heyerdahl
ia e ua etaeta to'na feruriraa i te hoê mana'o e, oia hoi, ua
tere mai te mau tupuna tahito o te nunaa Maohi no Amerika
Apatoa mai e tae noa'tu i te mau fenua rii i Oteania nei i
mutaa ihora. No reira, ua anaanatae to'na mana'o ia tama-
ta ia tere i nia iho i te reira reni tereraa. Ua turuhia oia

no te haereraa e na hoa toopae, e ua itoitou hoi ratou i te faa-ineineraa no taua tere ra.

I te anotau tahito ra, e mea huru ê te mau pahî no te feia tei noho i Amerika Apatoa. Oia hoi, mai teie te huru; ua rave ratou i na tumu raau rarahi e ua taamuhia te reira ei paepae e na te opape e te mata'i ratou i tauturu ite tereraa'tu i tua ra. Ua na reira atoa Thor mâ i teie nei tau, e ua faatia hoi ratou i te hoê fare ofe i nia iho i te paepae ta ratou i hamani, e ua tuuhia te mau raau meia mārô ei tahua. E na rōto i te feruri-maitai-raa ua faatomo hia te paepae e ratou i te mau mea e rave rahi. O teie te rahi o taua paepae ra, oia ia, e maha ahuru ma toru avae i te roa, é e toru ahuru ma pae avae i te aano. Ua ravehia te tumu raau maitai roa no te painuraa, o tei parauhia ra, o Balsa. Aita hoê tao'a popaa ta ratou i rave no te hamani raa i to ratou paepae, e na au te reira i te paepae o te anotau tahito ra. Oia hoi, hoê â to Kon-Tiki hamaniraa i teie tau nei e te paepae i mutaa ihora i Amerika Apotoa ra.

E rave rahi te feia ratere e mau raatira pahî tei patoi e tei faahapa i te mana'o o teie mau taata itoitou. Noa'tu râ i te rahiraa o te faahapa, ua faarue ratou i Amerika Apatoa i te hoê vahi tei parauhia, o Peru. E hoê â ta ratou tiaturiraa e to mutaa ihora, oia hoi, o te opape e te mata'i anae ta ratou ia i tiaturi no te faatereraa'tu.

E rave rahi te mau fifi ta ratou i faaoromai i tua ra, e e ia hope na avae e toru ua û Kon-Tiki i nia i te aau i Rarōia. E mai reira mai ua taverehia i Tahiti nei.

I teie nei, e feruri tatou i te huru no te tahi feia ratere i mutaa ihora mai te au i tei papaihia i te *Alama* 63:5-8

“E taata iimi no o Hagota, i haere ai oia e i hamani ai i te hoê pahi rahi i te hiti o te fenua ra i Bounetifula. i pihuiho ite fenua ra i Desolationa, e ua tuu atura i te tai i te tooâ o te râ i pihui a’e i te fenua iti rairai e tae atu ai i te fenua i apatoerau ra.

E inaha, e rave rahi o te mau taata o te ati Nephi tei tomo i roto ra, e reva’tura ma te mau huru maa e rave rahi, e na vahine e rave rahi, e te tamarii hoi, e fano tia’tura ratou i apatoerau. E hope a’era te toru ahuru e te hitu o te matahiti.

E i te matahiti e toru ahuru ma vau i hamani ai taua taata nei i te tahi atua â mau pahi. E ua ho’i maira te pahi matamua, e tomo atura e vetahi mau taata e rave rahi i te reira: e rave ihora ratou i te mau huru maa e rave rahi, e te re faahou atura i te fenua i te pae apatoerau ra.

E aita’tura ratou i itea-faahou-hia. Te mana’o ra matou, ua paremo ihora ratou i raro i te tai. E fano atura te tahi â pahi, e te vahi i haerchia e anara, aita matou i ite.

Te mana’o nei to te Ekalesia e, o Hagota mâ ra, o to outou ia mau tupuna. Oia hoi, te mana’ohia nei e, ua tere mai Hagota mâ mai Amerika Apatoa mai e tae noa’tu i teie mau fenua rii o te moana nei. Aita râ i fariihia teie haapiiraa e to te ao nei, e ua patoi mai ratou i te na ô raa e, “Aita e nehenehe ia na reira, aita hoi i tae”. Ta ratou ia faahaparaa i to te Ekalesia.

Teie nei râ, te îte papu nei tatou e, te NEHENEHE nei ia na reira. Oia mau ia, te riro nei to Kon-Tiki haereraa mai ei haapapuraa ite haapiiraa a te Ekalesia no te tere-raa mai o to outou mau tupuna matamua, o Hagota mâ ia.

E hoa ino ma e, ia feruri faahou tatou i te uiraa tei papaihia i te pae matamua no teie papairaa poto, aita ta tatou e pahonoraa tia, maori râ: E, oia ihoâ. E faufaa rahi no to Kon-Tiki tereraa mai, e te haere noa nei te mau haa-papuraa no ta tatou *BUKA A MOROMONA* i te rahiraa.

Tihoti Hilitona Orometua.

To Tatou Tiaraa.

(*Tuati raa.*)

3 - Isaia 29:11-12 “E ua riro taua orama atoa ra mai te parau i roto ite buka” “PIA HIA RA” ia outou: penei a’e ia tuu hia’tu ite taata îte ite taio parau ra a na ô atu ai, A taio na oe ite ra ra BUKA; te parau mai ra oia. “*Eaha e ti’ai ia taio tei piahia.*” E ia hopoi hoi i taua Buka ra ite taata aore i îte ite taio parau a na ô atu ai, A taio na oe ite ra ra Buka, te parau maira oia. Aore au i îte ite taio parau.”

E parau tohu teie na Isaia ite tae raa mai o te hoê Buka i roto pû ite hoê mau taata. E taua Buka ra o te “BUKA A MOROMONA” ia. E faaite atu vau ia outou ite huru ite roaa raa mai teie Buka e na outou e feruri e parau mau anei e aore ra eere.

Ite taime ua noaa mai teie nei Buka ite Peropheta ra ia IOSEPHA SEMITA no roto mai ite repo fenua o te aivi ra CUMORA ite fenua Amerika, i raro a’e ite rima ote melahi ra o MORONI, ua afai taua Peropheta ra i taua Buka ra ite fare. Area ra teie reo i papai hia i roto i taua Buka

ra, e reo ia no te feia tahito tei taoto i roto ite repo, oia hoi e reo Aiphiti ia. e ua papai hia inia i te mau api auro (mai te au i ta tatou tufaa hoê o te vea i mairi a'enei)

Aita roa teie nei Peropheta o Iosepha SEMITA i hae-re ite haapiiraa no taua huru reo ra, e aita roa oia i îte ite taio ite mau parau i papai hia i roto i taua Buka ra, no te mea, e reo êê ia, eere i to'na iho reo.

Area ra te vai ra i pihai iho i taua Buka ra i roto ite afata e vai ai taua Buka ra i roto ite repo. te tahi na ofai anaana, tei parau hia ite auotau tahito e "URIMA e te TUMIMA" oia hoi e hi'o te auraa Exodo 28:30; Numela 27:21; I Samuela 28:6; I Samuela 30:6-8. E na taua ofai ra i tau turu ite iriti raa i taua Buka ra i roto ite reo Baratane. Ia tuu hia taua ofai ra inia ite api o taua Buka ra, ua tau i hia te papai raa i roto ite hi'o ei reo Baratane, e ua ta-i'o noa o Iosepha i taua Buka ra i roto ite reo Baratane e na to'na papai parau e papai inia ite hoê puta taaê, e ia hape rii te papai raa ate papai parau aita te taio raa i roto ite hio e tau i e tapao faaite ia e ua hape te papai raa. E ua ini hia e ia îte hia na moe ia papai e ua vai mai to muri iho parau. E no reira aita roa e hape to roto ite Buka Moromona note mea hoê ana'e reo i iriti hia mai ai taua Buka ra na roto ite uru raa ote Varua o te Atua.

Ia oti ite iriti hia e raua te tahi tufaa o taua Buka ra, ua iriti atoa raua ite tahi hohoa no taua mau papai raa tahi-to ra, e ua afai atura to'na papai parau i taua tufaa parau ra ite hoê taata îte ite mau reo êê o "Charles ANTHON" te ioa e orometua rahi haapii note mau reo êê to'na toroa (Professeur des langues étrangères). Ua rave mai ra taua Orometua ra i taua tufaa parau ra e ua taio ihora e ua parau

mai ra oia e reo tahito teie e reo Aiphiti, mea tia roa to'na papai raa, e mea tano atoa hoi te iritiraa Ua ani atura te papai parau ite hoê parau faaite (certificat) na taua taata ra, note haapapu raa e e reo tahito mau anei teie, e reo mau anei, e ua tia anei to'na tatara raa.

Ua hamani mai ra taua Orometua ra i taua parau faa-iteraa nana ra (certificat) signé ihora e horoa mai ra i taua papai parau ra. Ua â parau noa ihora raua inia i taua vahi nei, e ua ni mai ra taua Orometua ra ite papai parau "Mai-te aha te huru o taua Buka ra, e ti'a anei ia'u ia tai'o?... Ua pahono atura te papai parau ia'na." Taua Buka ra e Buka auro ia, to'na mau api e auro ia e ua "PIA HIA" te hoê tufaa". Ua parau noa atura taua taata nei "AITA IA E TI'A IA'U IA TAIO TEI PIA HIA". Isaia 29:11 ta tatou upoo parau. Ua mahiti mai teie parau no roto mai ite vaha o teie taata i teie tau hopea nei, e ua tohu ê mai na o Isaia i teie parau hou te Mesia. I reira ua ui faahou atura taua orometua nei Nohea mai taua Buka ra, mea nahea to'na roaa raa mai? Pahono atu nei te papai parau "No roto mai taua Buka ra ite repo te noaa raa mai, e na te hoê Melahi i horoa mai". I taua taime ihora riri roa a'e ra taua orometua nei, e ua parau mai ra oia i te papai parau, e parau haavare roa tera, aita te Melahi e pou faahou mai, aita te Atua e parau faahou mai ite taata ite tau hopea nei ua oti ta'na parau raa mai ite tamarii ate taata nei ite tau no te mau Apotetoro. E ua titau faahou mai ra oia i ta'na Certificat ite papai parau e i mua mau iho i to'na aro ua tumutumu ihora mate parau e, "aita te Atua e te mau Melahi e parau faahou mai ite taata nei."

Eaha ia te pahono raa a te taata aore i ite ite taio parau ia hopoi hia mai taua Buka ra ia'na? teie ihoa ia ta'na

pahono raa. "AORE AU I ITE ITE TAIO PARAU". mai ia Iesepha te huru. Area ra ra ua horoa mai te Atua i te hoê hi'o "Urima e te Tumima" ei ravea ia nêbenehe i te taata i te ore i te taio parau ia taio, noa'tu to'na pōiri e to'na i te ore.

Aita anei taua parau a Isaia ra i tano inia i te Buka a Maromona? Oia mau roa ia, e na tatou noa iho e feruri i to'na aamu tei faaite hia i ni'a nei. E aore ra na outou e imi mai i te hoê Buka taaê atu tei au to'na parau i te parau a Isaia nei.

Na vai e faatiamâ i te Parau Mau?

1 - Ezekiel 37:15-21 te raau a Epharaima i taati hia i te raau a Iuda i roto i te rima o te Tavini o te Atua o te "BUKA A MOROMONA". ia tei faatia atu e tei faatia hia mai i te Bibilia i roto i te Ekalesia a Iesu Mesia i te Feia Mo'a i te Mau Mahana Hopea nei.

2 - Isaia 29:4 to teie nunaa tahito parau raa mai na roto i te repo o te "BUKA A MOROMONA". ia i te faaite raa mai i to ratou mau parau Tuatapapa ta ratou iho i papai, e o tei huna hia e ratou iho i roto i te repo, e inaha ua faaite mai ia tatou i teie nei. Oia to'a te parau mau tei tupu mai no roto mai i te repo Salamo 85:10-13 e te Heheuraa tei hi'o mai mai te rai mai.

3 - Isaia 29:11-12 te Buka i afai hia i te taata i te e te taata i te ore i te taio parau maite au i ta tatou parau no teie ava'e o te "BUKA A MOROMONA" ia.

Na na i te too toru nei e faafiamâ i te Parau Mau ra e te "BUKA A MOROMONA" ra e Parau Mau ia na te Atua (hiroa faaroo 8)

*Te vai atu ra "TO TATOU TI'ARAA"**Papaihia e Tehina a Tapu.***Te Parau Paari.**

Te parau paari no te faaroo mai tei horoahia ia Iosepha Semita te Peropheta, ei pahonoraa i te hoê ture, o te heheuraa faufaa roa'e ia tei horoahia mai ia tatou nei no te faaiteraa i te huru no te haapaoraa i to tatou nei mau tino i roto i teie nei oraraa. Te na ô mai ra te Fatu e, "Aita outou i ite e, o te hiero outou o te Atua, e te parahi ra te Varna o te Atua i roto ia outou na. E ia haaviivii te hoê taata i te hiero o te Atua ra, e pohe oia i te Atua; e mo'a hoi to te hiero o te Atua, e taua hiero ra o outou ia". (*I Korinetia. 3:16-17.*)

Mai to te Atua haamaniraa i to tatou nei ao nehenehe, mai te tuu mai i te mau tiare nehenehe e te mau raau hotu atoa ra, i vai atoa mai ai i reira te hoê raau o te riro ei faainoraa i to tatou nei mau tino mai te peu e ia amu atu tatou i te reira. E hie atura matabiti i teie nei to te taata nei faainoraa i to ratou ra mau tino na roto i to ratou raveraa i taua mau raau ra.

Te na ô mai ra te irava 8 o taua parau paari ra e, "E teie a hoi, e ere te avaava no te tino, e ere hoi no te opu, e ere hoi te reira i te mea maitai no te taata nei, e raau rii ra te reira no te mau vahi pepe o te mau puua ma'i ia ravehia ma te paari e te aravihi:" (B. F. 89:8) O ta te Fatu teie i parau mai, e te vai atura. Mai te mea e, e iriti mai oe i te

taero no roto mai i te avaava o te puohu hoê nei, e a pamu ai i te reira taero i roto i te tino o te hoê piifare nainai e aore ra i te hoê fanaua uri, e pohe taue noa raua. Mai te mea e, e parau mau teie, e ore roa ia tatou e tia ia faariro i to tatou nei mau tino ei mau hiero no te Atua na roto i to tatou raveraa i taua mau raau taero ra. Ua papu atoa ia tatou e, aita atoa te Atua i tuu mai i taua mau raau rii ia amuhia ete taata no te faainoraa i to ratou ra mau tino.

Te na ô faahou mai ra te Fatu i roto i te irava 5 e, "Mai te mea e inu te hoê i rotopu ia outou na i te uaina, e a ore ra te hoê inuraa taero ra, inaha, e ere ia i te mea maitai, e ere hoi i te mea tia i te hi'oraa o to outou Metua." (B. F. 89:5.) E mea papu roa te parau a te Fatu ia tatou nei. E inaha ia rave hia taua mau mea ra no te haaviiviraa i to tatou ra mau tino. Te taero te vai i roto i te taofo, te ti, te ava, e te mau inuraa veavea, e mea ino ana'e ia no to tatou atoa nei mau tino.

Ua faataa te Atua i te mau raau hotu atoa o te fenua nei, te mau manu o te reva, te mau puua o te aru ra, e te mau ia hoi o te moana ei maa maitatai e ei haamaitairaa no to tatou nei mau tino ia riro ei mau hiero no te Atua ra. Ei faaotiraa, te na ô mai ra te Buka Fafau e, "E te feia mo'a atoa o te haamana'o i te haapao e i te rave i teie nei mau parau faaite, ma te haapao-maitai-noa-raa i te mau faaueraa, e farii i ratou i te maitai i to ratou mau pito e te puo i to ratou ra mau ivi. E e itea hoi ia ratou te paari e te mau tao'a rahi o te îte, oia hoi, te mau tao'a i hunahia ra; E e horo ratou e e ore ratou e rohirohi, E haere ratou e e ore roa ratou e fiu. Eo vau nei, o te Fatu, te faaau nei au i te hoê faufaa ia ratou, e e haere noa te melahi o te pohe na nia ia ratou, mai i te mau tamarii a Iseraela, e e ore oia e taparahi ia ratou ra. Amene." (B. F. 89:18-21)

Eaha Te Niu No Te Ekalesia!

I te apiraa no te Ekalesia ra, ua haere mai te hoê taata, e taata faatere oia no ta'na iho Ekalesia, i Roto Miti, Utaha ma te ani raa e, te hinaaro nei au i te farerei i te hoê taata faatere no te Ekalesia Momoni e matutu ia'na ra no na Ekalesia e piti nei. E na mineti rii hou te hora tia no te haamataraa i te paraparauraa, ua ui atu Dededia, e tauturu hoê ia oia no te Ekalesia Momoni, ui atura "O vai te taata tia mau no ta oe Ekalesia i te oire no to oe faaearea ra?" Pahono maira oia, "O vau ia te reira taata." Ui a'era taua taata ia Dededia ra, "O vai te taata tia mau no ta oe Ekalesia i to oe oire nei?" Pahono atura Dededia ma te reo papu, "O Iesu Mesia ia te taata tia mau no ta matou Ekalesia nei."

Te reira ra te haapiiraa mau no to tatou Ekalesia, oia hoi, O Iesu Mesia ia te tihi rahi no te Ekalesia tei faatupuhia e Ana a faaea ai Oia i te ao nei. E o te mau aposetolo hoi to'na mau tavini faatere mau no te reira e e vai ratou i roto i te Ekalesia e a muri noa'tu.

Na ô atura Iesu i te ui i ta'na mau pîpî e, "O vai au te Tamaiti a te taata nei i ta te taata nei parau.

E te haere tia'tura Iesu i te pae fenua i Kaisarea Philipi ra, ua ui atura oia i ta'na mau pipi, na ô atura, O vai au te Tamaiti a te taata nei i ta te taata nei parauraa? Ua parau maira ratou, O Ioane Bapetizo ta vetahi, o Elia ta te tahi pae, o Ieremia hoi, e o te hoê i te mau peropheta ra ta vetahi. Ua parau atura oia ia ratou, O vai-râ vau nei i ta outou na parauraa? Ua parau maira Simona Petero, na ô maira, O te Mesia oe, te Tamaiti a te Atua ora ra. Ua parau atura Iesu ia'na, no ô atura, e ao to oe, e Simona Bareiona, e ere ta te taata i faaite mai ia oe ite reira, na tau Melua râ i

te ao ra. *E parau atoa'tu vau ia oe, O Petero oe oe, e ei nia iho i teie nei pāpā e patu ai au i tau ekalesia, e ore roa ia e noaa i te uputa'hade. E e horoa'tu hoi au i te mau taviri o te basileia o te ao ra ia oe, e ta oe e haamau i raro nei, e haamau-atoa-hia ia i te ao; e ta oe e tuu i raro nei, a tuu-atoa-hia ia i te ao. Mataio 16:13-19.*

O teie ia te parau tumu no to te mau ekalesia parauraa e, "Ua patuhia hoi te ekalesia a Iesu i nia iho ia Petero ra, te hoê o te tino ahuru ma piti." Ta tatou râ parau, o te heheuraa ia te pāpā i patuhia'i taua ekalesia ra. Na ô mai-ra te parau, "ua tan Metua râ i te ao i faaite mai ia oe e ei nia iho i teie nei pāpā e patu ai au i tau ekalesia." Aita Iesu i parau atu e patuhia i nia iho ia oe, o Petero. Inia râ i heheuraa mai o te Atua ra.

Ua na ô atura Paulo i to Ephetia e, "E-teie nei, e ere atura outou i te taata êê e te purutia, hoê râ to outou oire e e te feia mo'a, e no te fetii o te Atua; i patuhia i nia iho i te niu a te mau aposetolo e te mau peropheta ra, e o Iesu Mesia iho te tihi rahi: no'na te fare atoa i te ati-maitai-raa ia'na ra, i riro ai ei hiero mo'a no te Fatu ra. Ephesia 2:19-21.

I muri mai i ta Iesu faasatauroraahia ra, ua tunbia te faatererara no te ekalesia i te tino ahuru ma piti ra, o Petero hoi te peresiteni. Te îte nei tatou i te tamu e te ohipa mau no te mau aposetolo e te mau peropheta ra, o te fariiara ia i te heheuraa no to te ekalesia ra. O ratou ia te feia aratai no te mau melo, ia ore ratou ia aratai-ê-hia'tu e te haapiiara a te taata ra. Ia ore tatou ia haapao i te evanelia a Iesu iho ra, aita roa ia to tatou e faaeraa i te utuafare o to tatou Metua ra.

Na te mana e te mau taviri tei horoahia ia Petero ra, e na ô mai nei ta-tahi ekalesia e, ua faariiha oia ia faatere te ekalesia (ta Iesu i faatupu) mai te au i ta'na i hinaaro.

No reira te mau huru-ê-raa i ta ratou mau haapiiraa i te mau paran ta Iesu i haapii mai ra i roto i te bibilia ra.

Ia imi tatou i te mau haapapuraa no teie mana'o e tia'i. Ua faatihia anei Petero ia na reira e aore râ aita?

Mai tei papaihia i nia nei, ua faatere te mau aposetoro i te ekalesia na roto i te heheuraa a te Atua ra. Tera râ, mai te mea ua patuhia te reira ekalesia i nia iho ia Petero, aita e hoê ohipa faahou no te toea o te tino ahuru ma piti. Aita hoi e faufaa faahou to te heheuraa e e ore ihoâ te mau aposetolo no te mea e tei ia Petero taua mana rahi ra, e e hee mai taua mana tiaraa i nia i te tahi taata ma te heheuraa ore ra.

Te ite nei tatou i te ohipa ta Iuda i rave ra. Te hoê oia no te tino ahuru ma piti ta Iesu i maiti ra. Ua rave oia i te hoê ohipa haavare i faahapahia'i Iesu ra. No te reira ra ua iriti ê hia ia Iuda i to'na tiaraa teitei ra e na vaihohia i te apoora tino ahuru ma piti ra. Teie nei râ, ahiri te ekalesia i patu-mure-ore-hia i nia ia Petero ra, aita ia Iuda i mono hia e te tahi taata ra. Te reira râ te hoê o te mau faaueraa matamna tei haapaohia e te tino ahuru ma piti. Ua faauehia ratou e te Atua na roto i te heheuraa.

“Ua tapao atura ratou i e toopiti pue taata, o Iosepha Barasaba, o tei mairihia ia Iusetora, e o Matatia hoi. Ua pure ihora ratou, na ô atura, E te Fatu, o tei îte i te aau o te taata atoa nei, e faaite mai oe i ta oe i hinaaro i eie nei pue taata. Ia rave atoa mai oia i teie nei toroa aposetolo, i mairi ia Iuda i te hara, ia tae oia i to'na ra vahi mau. Ua tuu ihora ratou i te kelero, riro atura te kelero ia Matatia; amui-atoha maira oia i te mau aposetolo tino ahuru ma hoê ra.” Ohipa 1:23-26.

No reira, ua i faahou ihora te apo o te pupu aposetolo.

E mea tia roa ia faatoroahia te tahi ap. setolo apî. Aita e nehenehe i te fare o te Atua ia tia noa ma te paari mai te mea ua parari te hoê tufaa o te ninu ra.

Ua horoahia te bibilia ia tatou nei ei parau a te Atua, oia hoi, ta tatou aratai e tae atu ai i te ora. E imi i teie nei tatou no te parau e, eaha te ohipa tei faataahia na Petero e rave, ia tia ia'na ia farii i tana ora ra. "Ua na ô atura Petero, E te mau taeae nei, ua ite outou e ua haapao te Atua i roto ia tatou nei ia'u i mutaa iho, ia ite te Etene i te evanelia i to'u nei vaha ia faaroo." Eaha taua evanelia ra maori râ te hoê ana'e ia ravea e farii ai tatou i te ora ra. Eita e huru-ê-hia te opunaraa a te Atua i tera tan i tera tau. E hoê ana'e ia evanelia a Iesu Mesia, e ere te evanelia a Petero.

Ua ao atu Paulo i to Galatia ra i teie nei parau, "Te maere nei au ia outou i taa'ê vave i tei haamau ia outou i te aroha mau o te Mesia, i te evanelia ê, e ere ra i te tahi evanelia, te vai na râ tei haapeapea ia outou, e tei hinaaro i te ruri ê i te evanelia o te Mesia. Ia a'o atu râ matou, eiaha'tu ia, o te tahi melahi no te ra'i mai, ia a'o atu ia outou i te evanelia maori râ i tei a'ohia'tu e matou ia outou na, ia riro ia oia ei anatema." Galatia 1:6-8.

Mai te mea e farerei te melo no te ekalesia i te taata tei ruri e aore râ tei haapii i te mau parau ê ra, ua faauehia tatou ia fariu ê ia ratou ra. "E teie nei, e a'o atu vau ia outou, e au mau taeae, e hi'o maitai iho na outou i te feia i faataa ê, e te faatupu i te mea e turori ai ra, e te au ore i te parau i haapiihia e outou na, e fariu ê atu outou ia ratou. E ere hoi te reira i te tavini no to tatou Fatu no Iesu Mesia, no to ratou iho opu râ; e ua haavare i te aau o te feia paari ore ra, i te parau paia e te taparu." Roma 16:17-18.

Ua tae tatou i teie nei i te hoê uiraa e,

“Ua haapii huru ê anei Petero i te evanelia e aore râ na haapao ona i te mea i patuhia’i te evanelia, oia hoi, te beheuraa? Ta tatou nei pahonora ra, hoê â huru ia te mau mea ta’na i haapii e te mau mea ta Iesu iho i haapii ra. Ua maiti hoi oia i te tahi aposetolo apî no te mono ia Iuda ra. Ua farii noa ona i te mau beheuraa i to’na nohooa i nia i te ao nei.

Ua tohu atoa mai oia i te parau no te mau mahana hopea hou te tae-piti-raa mai o Iesu ra. “Te parau maira te Atua, ia tae i te mau mahana hopea ra, e ninii atu ai au i tau i tau Varua i nia iho i te taata atoa, e na to outou mau tamarii tamaroa ra e te mau tamahine e tohu, e e ite hoi to o outou mau taata apî ra i te orama, e to outou hoi mau taata ruhiruhia ra, e taotootoahia ia. E ninii atu vau i tau Varua i nia iho i tau mau tavini tane e tau mau tavini vahine i te reira mau mahana; e e tohu hoi ratou.” Ohipa 2:17-18.

E te hoê uira toe—eaha taua mau taviri tei horoahia ia Petero, maori râ, te faatiraa ia faatere i te mau ohipa atoa i roto i te ekalesia a Iesu ra, eiaha râ ta te tahi taata ê atu. Ua tuu-atoa-hia mai taua mau taviri i te peresideni o te ekalesia i teie tau hopea nei.

Tei te mau taata iho to ratou feruriraa i teie nei mana’o. Te faaroo râ o te ekalesia nei, na patuhia ia te reira i nia i te niu beheuraa e e vai noa te reira e a muri noa’tu.

Papaiahia Jay Larson

Te Tavini Nei Tatou I Te Atua.

Ovai te taata ta outou e hinaaro nei ia tavini hia’tu e outou, te Atua anei e aore râ, o Satane. Mai te mea e te

hinaaro nei tatou i te tavini atu i te Atua, e mana'o tia te reira, aita roa ra oia e faahepo nei ia tatou i te tavini atu Ia'na ra.

Te faaite atu nei tatou e, te mau taata ia tei ô i roto i te Ekalesia a Iesu Mesia i te Feia Mo'a i te mau Mahana Hopa nei, to tatou hinaaro i te tavini atu Ia'na na roto i te fafau tei faaotihia na roto i te bapezitoraa. Na roto i te reira oro'a te fafau nei tatou i te haapao e i te rave maitai i te ohipa Ta'na i tuu mai ia tatou nei. Mai te mea râ e, aita tatou e haapao i taua fafau ra. Te vai ra te mahana tatou e faautuahia'i. No reira ia maimi tatou atoa i te mau ravea e tavini atu Ia'na e tia'i, e ia hinaaro tatou i te mau mea tei hinaaro hia e Ana e tia'i.

Ahiri te haamata nei te hoê taata i te mairi i raro i te pae faaroo, aita e maoro e haapao ore hoi oia i ta'na ohipa ra. No reira ia rave tatou i ta Iesu ohipa e tia'i.

Te faaite hia nei ia tatou i te paraui faaitoito i roto i te buka Fafau, o tei papaihia i te pene 107 na i rava 99-100.

Te ao nei taua na irava ra ia tatou ia haapii tatou i ta tatou iho nei mau ohipa, eia haapao hoi i ta tatou mau toro'a. E ia na reira mau hia e farii i hoa hoi tatou i te mau haamaitairaa. Mai te mea e, te ite-hia nei e tatou te huru o ta tatou iho mau ohipa, e aita tatou e haapao nei i te reira, e faarii papu-hia ihoa ia i te utu'a tei au no te reira hara, ia tae atu i te mahana tei faataahia no te haavaraa rahi.

Eati roa hoi te mau taata tei farii i te Autahuaraa no te Ekalesia Momoni ia haapao ore-hia te mau oro'a e ia ofati-noa-hia te mau ture e ratou ra. Te mau taata râ tei haapao i te reira Autahuaraa e faarii-iho ia ratou i te haamaitairaa e e tae atu hoi ratou i te Basileia o te Atua ra, aita râ te Atua e faarii nei i te taata ino, e aore râ, i te taata faufau i

roto i To'na basileia ra.

Te mau tane paari e te mau tamaroa apî tei farii i te Autahu'araa Aarona e te Autahu'araa a Melehitakeda, o te mau taata ia tei faarii i te hopoia tei horoahia'tu ia tatou, o ratou hoi te feia tei titauhia ia rave noa i ta te Atua ohipa e tae noa'tu i te hopea, o ratou hoi te feia tei haamaitahia, e o tei farii i te basileia o te Atua ra.

O teie te tahi-pae no ta tatou ohipa, oia ia, te titauhia nei tatou ia opere atu i te maramarama ta tatou i faarii na roto mai i te Evanelia ia vetahi ê ra. E ia na reira hia e riro ta tatou faaiteraa'tu ei ravea ia ite ratou e, o te haapao-raa mau teie. E haamana'o tatou e, aita Iesu Misia e mau-ruurn nei ia tatou ia faatau tatou i Ta'na ohipa ra, oia mau ia, e faautuahia te feia ia na reira ia tae i te mahana haava-raa.

Noa'tu te huru o te taata, ta vai ra te ohipa o tei faataahia i nia i te ao nei, oia hoi ia haaparare atu i te Evanelia o to tatou Fatu, o Iesu Mesia ra. Mosia 2:20-26.

Aita ta tatou e ravea ia haamauruurn atu i te Atua no te mau haamaitairaa Ta'na i horaa mai, maori râ, ia rave ito-ito tatou i Ta'na ohipa ra no reira, e mea tia roa ia tatou ia poro-haere atu i tana Evanelia ra. Te aroha nei Oia i te mau taata, noa'tu te huru, ia rave ratou i To'na ohipa ra. E mea tia ia haapao i te mau faaueraa e ua papai-papu-hia te reira i roto i te Bibilia. E mea tia ia imi tatou i te mau ravea ia tae i To'na ra basileia eia faaea i pihaiho la'na i te Hanahana Tiretiera. A faaitoito outou, ia nehenehe ia tatou paatoa ia tae atu i tana basileia ra.

Papaihia Bernard Larsen

POU MOO Gérant et Imprimeur, Papeete, Tahiti.
